

Reglur Suðurnesjabæjar um úthlutun tíma í íþróttamannvirkjum og íþróttasvæðum til íþróttafélaga og almennings

1.gr.

Markmið og umfang

Markmið þessara reglna er að auka fagleg vinnubrögð við úthlutun íþróttatíma, efla íþróttastarf sveitarfélagsins og bæta samstarf hlutaðeigandi. Með styrkveitingu er átt við gjaldfærðar millifærslur vegna notkunar íþróttafélaga á íþróttamannvirkjum bæjarins. Ekki er átt við greiðslu á fjármunum til íþróttafélaga heldur reiknaðan kostnað vegna notkunar íþróttamannvirkja samkvæmt verðskrá sveitarfélagsins hverju sinni.

Reglurnar ná til eftirfarandi íþróttamannvirkja og íþróttasvæða:

- Íþróttamiðstöð Garði
- Íþróttamiðstöð Sandgerði
- Knattspyrnusvæði Garði
- Knattspyrnusvæði Sandgerði

2. gr.

Umsókn um tíma

Umsóknir um æfingatíma er skilað til íþrótt- og tómstundafulltrúa. Umsóknir vegna vetrarúthlutunar sem er tímabilið september–apríl ár hvert skulu berast í síðasta lagi 15. júlí ár hvert. Vegna sumarúthlutunar sem er maí til ágúst skulu umsóknir berast í síðasta lagi 1. apríl ár hvert. Íþrótt- og tómstundafulltrúi ásamt forstöðumanni íþróttamannvirkja kynna fyrstu drög að tímatöflu á sérstökum fundi sem íþróttahreyfingin er boðuð á.

3. gr.

Úthlutun íþróttafélaga

Æfingátímum til íþróttafélaga er úthlutað af íþrótt- og tómstundasfulltrúa í samráði við forstöðumann íþróttamannvirkja Suðurnesjabæjar. Til styrkhæfra æfingatíma telst allt barna og unglingastarf 0–18 ára, auk æfinga meistaraflokks karla og kvenna í hóp- og einstaklingsíþróttum, þar sem jafnframt er haldið úti öflugum barna- og unglingastarfi sem og keppt á Íslandsmótum.

3.1.

Þættir til hliðsjónar

Við úthlutun æfingatíma er tekið mið af eftirfarandi þáttum:

1. Fjöldi iðkenda og hlutfall barna og unglinga í félagana.
2. Nýting síðasta tímabils og úthlutun æfingatíma.
3. Æfingar barna og unglinga hafa forgang á úthlutun æfingatíma.
4. Stefnt skal að því að æfingum barna og unglinga ljúki fyrir kl. 19:00.
5. Staða í deild
6. Ársskýrslum skilað og unnar eftir lögum félagana.

3.2.

Forgangur

Suðurnesjabær hefur forgang að notkun íþróttamannvirkja á skólatíma fyrir nemendur leik- og grunnskólar. Almenna reglan er að skólabörn hafi fyrsta forgang, því næst íþróttafélag, starfsemi á vegum Suðurnesjabæjar og að lokum almennir tímar. Í undantekningartilfellum leigir Suðurnesjabæjar út íþróttamannvirki fyrir stóra viðburði í sveitarfélaginu.

1. Leik-, grunn- og framhaldsskólar
2. Íþróttafélög
3. Starfsemi á vegum Suðurnesjabæjar
4. Aðrir

3.3.

Stórhátíðir

Skilgreindir stórhátíðardagar eru nýársdagur, föstudagurinn langi, páskadagur, hvítasunnudagur, 17. júní, aðfangadagur jóla, jóladagur og gamlársgdagur. Á þessum dögum eru íþróttamannvirki Suðurnesjabæjar með skerta starfsemi

Óski íþróttafélag eftir aðgangi að íþróttamannvirkjum á tilteknum dögum skal óska eftir því við forstöðumann íþróttamannvirkja.

3.4.

Skráning

Starfsmenn íþróttamannvirkja fylgjast með og skrá upplýsingar um æfingar, fjölda iðkenda, aldursflokka og leiki. Þjálfarar skila einnig inn tölum eftir tímann. Enn fremur skulu skráðar skýringar á ónotuðum æfingartímum.

3.5.

Reglur

Falli tímar íþróttafélaga niður skal láta starfsmenn vita með að minnsta kosti sólahrings fyrirvara. Einnig ef óskað er eftir að fella niður æfingar áður en tímabili líkur.

3.6.

Framsal og endurúthlutun

Ekki er heimilt að framselja úthlutuðum æfingatímum til annarra félaga eða einstaklinga. Forstöðumanni íþróttamannvirkis er heimilt að endurúthluta þeim tímum sem eru vannýttir eða ónotaðir í samvinnu við íþrótt- og tómstundafulltrúa.

4. gr.

Úthlutun til almennings

Hópar utan íþróttafélaga geta sótt um lausa æfingatíma til forstöðumanns íþróttamannvirkja gegn greiðslu samkvæmt gjaldskrá sveitarfélagsins hverju sinni.

4.1.

Stakir tímar

Leigðir eru stakir tíma samkvæmt verðskrá og skulu þeir pantaðir hjá starfsmönnum íþróttamannvirkis.

4.2.

Reglulegir tímar heila önn

Hægt er að fá úthlutaða reglulega æfingatíma heila önn/ár sé pláss í húsunum. Umsækjandi þarf þá að gera grein fyrir hver er ábyrgðarmaður fyrir tímunum og mun hann fá sendan mánaðarlegan reikning fyrir notkun íþróttamannvirkisins.

5. gr.

Framkvæmd, eftirfylgni og undanþágur

5.1.

Undanþágur

Sækja þarf sérstaklega um undanþágu frá þessum reglum til íþrótt- og tómstundaráðs Suðurnesjabæjar

5.2.

Framkvæmd og eftirfylgni

Forstöðumaður íþróttamannvirkja, í samráði við íþrótt- og tómstundafulltrúa, annast sameiginlega framkvæmd og eftirfylgni þessara reglna. Verði ágreiningur um einstök atriði skal þeim vísað til íþrótt- og tómstundaráðs Suðurnesjabæjar

5.3.

Endurskoðun

Reglur þessar skulu yfirfarnar í desember ár hvert.